

壞身耶舍利弗言我身忍受都無苦痛亦不散壞尊者即讚歎言實有神德假令復害以手打彼耆闍崛山猶當碎壞而舍利弗都無異相斯二尊者作是語時亦時世尊晝在房坐以淨天耳遙聞其言即說偈言

正心如大山 安住無動搖 諸所可染著

染不染著法 遠離於愛樂 所謂愛樂者

即是塵欲法 若來加惱觸 不報惱觸者

是名不惱觸 若如是修心 終不受於苦

亦時比丘聞佛所說歡喜奉行

因陀羅釋迦姆摩白山賓迦富羅那婆修曼遮尼羅箭毛受齋曠野及雄淨七岳并雪山

害及於無害是名第十

十四

別譯雜阿含經卷第十二

淵二

嶠其勿杖捶下之澁上宅屏於上音毼徒帖
膊反膊上時綬反綬胡伴獸惡下一故反號哭
高上反練若下而相造下反七清徹下反直躄正時

較陷成字去聲

別譯雜阿含經卷第十三

淵三

失譯今附素錄

佛在王舍城迦蘭陀竹林亦時世尊告諸比丘汝等皆當勤修善行漸漸增長如月初生時有比丘初始受戒漸修慙愧善持威儀往返人間柔和恭順不為佞戾能制身心如明

眼人避深空井及山峻岸比丘亦亦如月初生漸漸增長善行日新佛復告諸比丘今此會中迦葉比丘勤修善行如月初生漸漸增長漸修慙愧往返人間能制身心柔和恭順終不佞戾如明眼人能避深井遠離峻谷迦葉比丘亦復如是佛告比丘何等比丘與法

陽

相應甚至諸家時諸比丘白佛言世尊如來則是諸法根本諸法之導法所依憑善哉世尊願為我等敷演斯義我等聞已至心受持佛復告諸比丘諦聽諦聽至心憶念若有比丘無所染著不愛縛家不生增減心無嫌恨亦不嫉妬見他利養心生歡喜見他施彼亦不忿恨於修福者咸皆隨喜又不自讚已有德行諸所言說恒為一切見餘比丘同至他家終不譏毀於自他所心無高下若諸比丘能修善心如向所說乃名隨順如法周旋往返人間爾時世尊於虛空中而自運手告諸比丘今我此手不著於空不縛於空無有嫌隙亦無瞋恚此手寧有縛著增減以不諸比丘即白佛言世尊此空中手無縛無著無有增減佛告比丘如是如是若有比丘心無縛著如空運手乃可出入往返諸家不生增減不生懊惱亦不嫉妬見他利養心生歡喜見他布施不與於已亦不忿恨於修福者普皆

隨喜乃至心無高下佛告比丘迦葉比丘亦復如是往返人間心無縛著乃至心無高下佛復空中第二運手告諸比丘如上所說乃至迦葉比丘亦復如是佛告比丘云何比丘出入諸家為人說法云何得名清淨說法云何名為不清淨說法時諸比丘白佛言世尊

如來則是諸法根本法之所導法所依憑善哉世尊願為敷演我等聞已至心受持佛告諸比丘諦聽諦聽至心憶念若有比丘為人說法作如是念我為彼人而說於法當令彼人信敬於我能多與我飲食衣服病瘦醫藥若作是說者是名不淨若有比丘為人說法

欲令聽者證解佛法除現在苦離諸熱惱不擇時節導示善趣為其顯現乃至能令智者自知不從他教離於生老病死憂悲苦惱能令聽者聞其所說如法修行為令聽者於長夜中得法得義得利得安如是說者名為清淨慈悲之說憐愍利益欲使正法得久住故

如是說法名爲清淨是故比丘應作是念爲人說法當作是學第三亦如上說迦葉比丘能如是說爲令聽者證解佛法乃至欲令正法得久住故憐愍利益作如是說是名清淨稱可佛法時諸比丘聞佛所說歡喜奉行如是我聞一時佛在舍衛國祇樹給孤獨園

爾時佛告諸比丘若有比丘將欲往詣於檀越家先作是念若有所施當速與我勿令遲晚至心施我莫不至誠願使多得勿令寡少思我精細勿得麁澀若作是念決定意者往檀越家檀越雖與不至心施不恭敬與雖施飲食不令豐足與其麁澀不與精細設有施與遲緩不速而此比丘不稱意故羞恥愁憂生損減心而此比丘應作是念至檀越舍彼非我家云何而得稱遂其心何故生念欲令檀越速施不遲乃至精細不用麁澀若作是念設無所得心不悔恨離於增減無有怨嫌設彼檀越少有所施不至心與遲晚不速乃

淵三

三

至與麁不與精細如是比丘心不嫌恨亦不愧恥心無增減迦葉比丘作如是心至檀越所斯非已家云何而得自稱其意望彼至心速施不遲乃至精細莫得麁澀迦葉比丘作如是念至檀越家雖不得施都無慙恥心不損減是故比丘應作是心至於他家不應生念速施於我乃至精細是故汝等當作是學如迦葉比丘往檀越家時諸比丘聞佛所說歡喜奉行

如是我聞一時佛在舍衛國祇樹給孤獨園爾時尊者摩訶迦葉在彼舍衛舊園林中毗舍佉講堂時尊者摩訶迦葉即於其夜從定而起從定起已往詣佛所頂禮佛足在一面坐佛告迦葉汝當教授諸比丘等指道教詔禪定之法爲說法要何以故我恒教授是比丘等汝亦應爾我常爲諸比丘說於法要汝亦應爾迦葉白佛是諸比丘不能受語難可教授佛告迦葉汝於今者以何因緣不爲說

法迦葉復白佛言今二比丘一是阿難共行弟子名曰離荼二是目連弟子名阿毗浮是二弟子互諍勝負各自稱言我知見勝我所說勝互共相引欲決知見及以言說爲我說妙爲汝說妙爲我句義具足爲汝句義具足今時阿難侍於世尊以扇扇佛今時阿難語迦葉言止止尊者聽我懺悔如此比丘新入佛法愚無智慧未有所解尊者迦葉語阿難言止今阿難汝莫僧中作偏黨語今時世尊告一比丘汝可往喚彼二比丘時彼比丘奉教往喚語二比丘言世尊喚汝時二比丘承佛勅命即往詣佛所頂禮佛足在一面立今時世尊告二比丘汝等二人實作是語我讀誦多我所知多我所說言句偈不闕欲汝勝負爲有是不時二比丘白佛言實今世尊佛復告言汝若解我所說修多羅祇夜授記說偈優陀那尼陀那伊帝目多伽本生毗佛略未曾有優波提舍本事是十二部汝若讀誦

淵三

四

令通利者是等經中爲有勝負以不時二比丘白佛言世尊是十二部實無是說佛復告二比丘言說十二部經爲欲除滅諍訟勝負汝今云何作如是說汝等愚人作如是解我豈可有如是說耶若生諍訟此非佛法又復不應出家之法我佛法中終不如是我勝汝負乃至我所說法句義具足汝之所說句義不足如是諍訟實非我說汝二比丘如斯之事汝應作不時二比丘即禮佛足白佛言我等聞佛所說自知有過實如嬰愚無所知解作不應作所作不善乃共相決種種勝負實有是過唯願世尊憐愍我故聽許懺悔佛言知汝誠心愆重懺悔汝實嬰愚無所知解所作不善不如佛教非出家法乃諍勝負各云多知乃至我所言說句義具足汝不具足如是勝負實不應作吾今受汝誠心懺悔使汝善法增長無有退失何以故若能至心實知本罪然後懺悔後莫復作如是懺者善法增

長無有退失諸比丘聞佛所說歡喜頂禮而去
如是我聞一時佛在舍衛國祇樹給孤獨園
爾時尊者摩訶迦葉住舊園林毗舍佉講堂
中時尊者迦葉於日沒時從禪定起往至佛
所禮佛足已在一面坐佛告迦葉汝可教授
諸比丘等當為說法所以者何我恒教授汝

淵三

五

亦應尔我常為諸比丘說法汝亦應尔迦葉
白佛是諸比丘難可教授不能受語佛告迦
葉汝於今者見何因緣而不為說迦葉對曰
若不信者退失善法便生懈怠無有慙愧愚
癡無智貪著他物有恚害心睡蓋所覆掉動
不停於法疑惑深著我見具於煩惱垢汙之
心喜瞋失念心無暫定有如是等種種不善
惡法決定具有如斯等人尚無少善况復增
進善法無有退失若復有人具於信心不退
善法精進不倦能修慙愧有智之人具行善
法無有貪想遠離瞋嫌除睡眠蓋心不掉動
無有疑惑不著身見心淨無染不喜瞋恚能

住心念具於禪定善法不退若有具上種種
善法我尚不說彼人善法停住况不增長如
斯等人於日夜中善法增長佛告迦葉如是
如是如汝所說若不信者退失善法乃至如
斯等人尚無少善况復增長若復有人具信
心者不退善法乃至我尚不說彼人善法停
住况不增長時諸比丘聞佛所說歡喜奉行
如是我聞一時佛在舍衛國祇樹給孤獨園
爾時尊者摩訶迦葉住舊園林毗舍佉講堂
時尊者迦葉於日沒時從禪定起往詣佛所
頂禮佛足在一面坐佛告迦葉汝可教授諸
比丘等為其說法所以者何我常教授汝亦
應尔我恒為彼而說法要汝亦應尔迦葉白
佛言世尊是諸比丘不能受語難可教授佛
告迦葉汝以何故而不教授為其說法迦葉
對曰世尊是法根本是法之導法所依憑善
哉世尊願為敷演我聞語已至心受持佛告
迦葉汝今善聽受持憶念吾當為汝分別解

說迦葉白佛唯然世尊願樂欲聞佛告迦葉昔有比丘自修阿練若行讚歎修阿練若行者自行乞食著糞掃衣讚歎乞食著糞掃衣者少欲知足常樂空閑寂靜之處勤修精進心不馳散恒樂禪定自盡諸漏讚盡漏者以是之故一切比丘咸來親近而問訊之而此

淵三

六

比丘語諸來者善來比丘可就此坐汝名爲何是誰弟子履行賢良應沙門法夫出家者宜應如汝作於沙門若見汝者學汝所爲不久必當獲於已利新學比丘觀斯事已而作是念彼有比丘共相恭敬我今亦當習學其行自修阿練若行讚歎修阿練若行者自行

乞食著糞掃衣讚歎乞食著糞掃衣者少欲知足常樂空閑寂靜之處勤修精進心不馳散恒樂禪定自盡諸漏讚盡漏者以是之故一切比丘咸來親近安慰問訊而此比丘語諸來者善來比丘可就此坐汝名爲何是誰弟子履行賢良應沙門法出家之人宜應如

汝作於沙門若見汝者學汝所爲不久必當獲已義利諸新學者若生是念長夜利益得義得樂名自濟拔能令正法得久住世是人進趣終不退沒佛告迦葉若有比丘生則有福初始出家多得利養衣服湯藥牀敷卧具四事豐饒復有比丘見是比丘親近談語安

慰問訊時此比丘語彼比丘汝名何等是誰弟子生則有福多得利養衣服湯藥牀敷卧具四事豐饒若有比丘親近汝者四事不乏若有新學比丘觀斯事已應作是念彼有生福比丘共相恭敬我今亦當修如是行衣服卧具飲食湯藥四事供養亦常豐饒若新學

淵三

七

比丘作如是意學如是事已名長夜衰耗都無利益及以利樂非沙門法受諸苦惱名自輕毀梵行不立沒于淤泥爲惡所欺具於結使數受諸有名生熱惱獲得苦報必當受於生老病死時大迦葉及諸比丘聞佛所說歡喜奉行

如是我聞一時佛在舍衛國祇樹給孤獨園
爾時尊者摩訶迦葉住舊園林毗舍佉講堂
時大迦葉於日沒時從禪定起往至佛所頂
禮佛足却坐一面爾時世尊告迦葉言汝今
朽老年既衰邁著此商那糞掃衲衣垢膩厚
重汝今還可詣於僧中食於僧食檀越施衣
裁割壞色而以著之迦葉白佛言世尊而此
衲衣是我久服我亦讚歎著衲衣者云何可
捨佛告迦葉汝見著衲衣者有何義利長夜
服翫自行阿練若行讚歎阿練若行者自行
乞食讚歎乞食者迦葉白佛言世尊我見衲
衣者有二種利於現在世安樂而住未來之
世為諸比丘作照明法為後世人之所習學
後世人輩當發是意昔佛在世大德比丘久
修梵行喜樂佛法深達法式少欲知足自行
問練若行讚歎阿練若行者著糞掃衣讚歎著
彼糞掃衣者次行乞食讚歎乞食者未來世
人多生此心欣慕斯法為彼救拔義利安樂

佛讚迦葉善哉善哉汝若作如是於長夜中
憐愍世間利益弘多為作救拔義利安樂若
有沙門及婆羅門毀頭陀者是等即為毀咎
於我若有讚歎頭陀功德是等即為讚歎於
我所以者何我以種種因緣無數方便讚歎
頭陀所得功德安立頭陀讚歎頭陀諸行中
勝汝從今日已後常應自行阿練若行讚歎
能行阿練若行者時大迦葉及諸比丘聞佛
所說歡喜奉行

如是我聞一時佛在舍衛國祇樹給孤獨園
爾時尊者摩訶迦葉在於邊遠草敷而住衣
被弊壞染色變脫鬚髮亦長來詣佛所爾時

備三

八

世尊大眾圍遶而為說法時諸比丘見迦葉
已皆生是念彼尊者不知出家所有威儀衣
色變壞鬚髮亦長威儀不具爾時世尊知諸
比丘心之所念為欲令彼生欽尚故遙見迦
葉即語之言善來迦葉尋分半座命令共坐
我當思惟汝先出家我後出家是故命汝與

余分坐摩訶迦葉聞斯教已即懷惶悚便起合掌頂禮佛足白佛言世尊是我大師我是弟子云何與師同共同坐第二第三亦作是言佛告迦葉實如汝言我是汝師汝是弟子即命迦葉汝可於彼所應坐處於中而坐時尊者迦葉即奉佛教敷座而坐余時世尊爲欲令彼諸比丘等益增厭惡自訶責故爲欲讚歎摩訶迦葉得道尊重與佛齊故告諸比丘我修離欲之定入于初禪作意思惟迦葉比丘亦欲離惡不善有覺有觀入于初禪亦復晝夜欲入初禪二禪三禪及第四禪亦復如是我若發心欲入慈心無嫌怨心無惱心遍廣心善修無量於其東方作如是心南西北方四維上下亦作是心我於晝夜欲修是心摩訶迦葉亦復如是欲入慈心無嫌怨心無惱心遍廣心善修無量於其東方作如是心南西北方四維上下亦作是心我若修於悲喜捨心我於晝夜常入此心摩訶迦葉亦

九末

復如是於晝夜中常入此心我欲滅除惱壞祛於色想除若干想入無邊虛空亦欲晝夜常入此定識處不用處非想非非想處亦復如是我亦欲入神通等定能以一身作無量身以無量身還作一身我欲觀察諸方上下入于石壁無有障礙猶如虛空坐卧空中如彼鴈王履地如水履水如地身至梵天手捫日月若我晝夜欲修是定迦葉比丘亦復如是欲入於彼神通等定能以一身作無量身以無量身還爲一身觀察四方四維上下能以此身入于石壁無有障礙猶如虛空坐卧空中如彼鴈王履地如水履水如地身至梵天手捫日月亦欲晝夜常入此定天眼天耳及他心智宿命漏盡亦復如是余時世尊於彼無量大衆之中稱讚迦葉功德尊重如是種種與已齊等時諸比丘聞佛所說歡喜奉行

別譯雜阿含經卷第十三

淵一

很戾上胡懇反嫌隙下丘逆反麓澀上倉胡反教
 詔上古孝及佛略下力逆反掉動上徒訊音衰邁
下莫反裁割上音惶悚上音皇反祛起居反手捫
門下音

別譯雜阿含經卷第十四

淵四

失譯今附秦錄

如是我聞一時佛在王舍城耆闍崛山迦蘭
 陀竹林小時尊者摩訶迦葉尊者阿難在耆
 闍崛山中干時阿難食時已到語尊者摩訶
 迦葉言大德食時已到可共乞食於是摩訶

迦葉著衣持鉢與阿難出耆闍崛山入王舍
 城乞食阿難語摩訶迦葉言日時猶早我欲
 至彼比丘尼精舍觀諸比丘尼等所行法式
 迦葉答言可尔即時共詣比丘尼精舍尔時
 諸比丘尼遙見二尊者來即敷牀座既敷座
 已白二尊者可就此坐時二尊者即就其座

諸比丘尼既見坐已稽首禮足在一面立尔
 時摩訶迦葉為比丘尼種種說法示教利喜
 於彼眾中有比丘尼名偷羅難陀聞說法要
 心不甘樂即出惡言今者云何長老迦葉在
 阿難前為比丘尼而說法要如賣針人至針
 師門求欲賣針終不可售今者迦葉亦復如
 是云何乃在阿難前而說於法作是語已嘿
 然而住時摩訶迦葉以淨天耳聞其所言語
 長老阿難汝見是偷羅難陀比丘尼心不喜
 悅出處言不是時阿難語迦葉言彼說何事
 迦葉答言彼作是說云何迦葉在阿難比提
 醯子牟尼之前而說法要以汝同彼針師之
 子以我名為賣針之人尊者阿難語迦葉言
 止止尊者櫻愚少智不足具責唯願大德聽
 其懺悔迦葉即語長老阿難言如來世尊多
 陀阿伽度阿羅呵三藐三佛陀為教導故引
 彼月喻日新增長能具慙愧離於無慙忍干
 罵辱禁制身心往返人間為道於我為說於